

1

Akhri buug-yarahaaga codbixiyeyaasha si aad u barrato waxa ku qoran warqaddaada codbixinta.



2

Warqaddaada codbixinta, buuxi goobaabinta ku dhinac taal dookhyadaada.




3

Saxiix xagga dambe ee bakhshadda soo celinta ee warqaddaada codbixinta.



4

Soo celi warqaddaada codbixinta. Haddii ay tahay sanduuqa lagu rido warqadda codbixinta ama boostada, wakhti hore codee!



5

Raad-raac warqaddaada codbixinta. Booqo kce.wiki/TrackMyBallot-SO ama isku qor helitaanka digniimaha warqadda codbixinta barta kce.wiki/BallotAlert. Kuwani waa hababka ugu wanaagsan ee lagu ogaado in warqaddaada codbixinta la tiriyay oo codkaaga la maqlay.



Sida loo

codeeyo!


Doorashada Gaarka ah ee Febraayo 2026

Degmada King Buug-yaraha Rasmiga ah ee Codbixiyeyaasha Deegaanka

sida ay codsatay Degmada Dugsiga Mercer Island Lr. 400

Isku qor si aad u hesho digniimaha warqadda codbixinta!

Hel qoraallo taleefan ama iimeelyo ah marka warqaddaada codbixinta la sii habeynaayo oo la tiriyo. Iska qor barta kce.wiki/TrackMyBallot-SO.



Is diiwaan geli si aad u codeyso



Oonleenka: Booqo VoteWA.gov si aad oonleenka iskaga diiwaan geliso oo aad u codeyso. Wakhtiga kama dambeysta ah ee is diiwaan gelinta oonleenka ee Doorashada Gaarka ah ee Febraayo waa Febraayo 2.



Boostada: Ka soo degso oo daabaco foomka diiwaan gelinta barta kce.wiki/VoterReg oo boostada ugu dir Doorashooyinka Degmada King: 919 SW Grady Way, Renton, WA 98057. Waa in la helaa ugu dambeyn Febraayo 2.



Shakhsi ahaan: Waxaad shakhsi ahaan iskaga diiwaan gelin kartaa xarunta guud ee Doorashooyinka Degmada King ilaa iyo Febraayo 10, Maalinta Doorashada. Macluumaad dheeraad ah oo ku saabsan saacadaha iyo adeegyada waxaad ka heli kartaa barta kingcounty.gov/elections.

Nala soo xiriir si aad u hesho buug-yarahaan oo qaab kale ah.

Contact us to receive your voting materials in Chinese, Korean, Russian, Somali, Spanish, or Vietnamese.

如需獲取您的中文投票資訊，請與我們聯絡。

한국어로 투표 자료를 받으시려면 저희에게 연락하세요.

Свяжитесь с нами, чтобы получать материалы для голосования на русском.


Nala soo xiriir si aad u hesho agabyadaada codeynta oo ku qoran Af-Soomaali.

Comuníquese con nosotros para recibir sus materiales de votación en español.

Xin vui lòng liên lạc với Sở Bầu cử Quận King để nhận tài liệu bầu cử bằng tiếng Việt.



Baro wax dheeraad ah oo ku saabsan sanduuqyada lagu rido, Xarumaha Codbixinta, iyo in ka badan!



Ma u baahan tahay warqad codbixin beddelaad ah?

Haddii warqaddaada codbixinta ay dhunto ama xumaato, waxaad daabacan kartaa warqad codbixin beddelaad ah adigoo jooga guriga, maktabadda, ama meel walba oo ku habboon.

Barnaamijka Calaamadaynta Warqadda Codbixinta ee Oonleenka (OBMP) waxaa heli kara dhammaan codbixiyeyaasha diiwaan gashan. Waxaa loogu talagalay inuu u oggolaado codbixiyeyaasha naafada ah, gaar ahaan kuwa indhooleyaasha ah ama uu araggoodu hooseeyo, inay warqaddooda codbixinta si gaar ah u calaamadayaan.



Sida loo isticmaalo Barnaamijka Calaamadaynta Warqadda Codbixinta ee Oonleenka

- Tag barta kingcounty.gov/elections/obmp.
- Macluumaadkaaga geli foomka.
- Ku calaamadee dookhyadaada warqadda codbixinta oonleenka oo ka dibna daabac warqaddaada codbixinta ee aad buuxisay.

AMA

- Daabac warqaddaada codbixinta oo ka dibna gacanta ku calaamadee.

- Hubi in warqaddaada codbixinta si sax ah aad u calaamadaysay.
- Ku soo celi warqaddaada codbixinta sida caadiga ah, sanduuqa lagu rido warqadda codbixinta ama adoo soo marsiinaaya boostada.

Lacagta boostada looma baahna haddii aad isticmaasho xaashida lifaaqa bakhshadda ee la socota marka aad daabacaysa warqaddaada codbixinta.



Haddii aad u baahan tahay caawinnaad dheeraad ah ama hab kale oo aad u dhiibato warqaddaada codbixinta, fadlan kala soo xiriir xafiiskeena taleefanka 206-296-VOTE (8683).




Yaa deeq ku bixiya ololeyaasha?

Eeg ku-deeqyaasha dhaqaale ee musharaxiinta iyo cabbirrada sharciga ee gobolka iyo dowladda hoose:

Guddiga Kashifaadda Dadweynaha

www.pdc.wa.gov | Wicitaanka Lacag La'aanta 1-877-601-2828



Waxaan halkaan u joogaa in aan ku caawinno!

Shaqaalaha doorashooyinka ayaa kaa caawinno kara inaad is diiwaan geliso oo aad hesho warqad codbixin cusub ilaa iyo Maalinta Doorashada. Ma u baahan tahay warqad codbixin beddelaad ah oo ma doonaysaa inaad si gaar ah u calaamadaysa warqaddaada codbixinta? Ka hel warqaddaada codbixinta oonleenka barta kingcounty.gov/elections/obmp si aad uga faa'iidayso Barnaamijka Calaamadaynta Warqadda Codbixinta ee Oonleenka.

Warqaddaada codbixinta ayaa waxaa ku duuban macluumaad waxtar leh! Iska xaqiiji inaad lifaaqa warqaddaada codbixinta ka dhex eegto:

- shanta sanduuq ee lagu rido warqadda codbixinta ee kuugu dhow,
- halka aad ka heli karto caawinnaad shakhsi ahaanneed,
- sida loo daabaco warqaddaada codbixinta haddii taada kaa lunto ama waxyeello soo gaarto,
- sida loo soo celiyo warqaddaada codbixinta,
- iyo in ka badan!

206-296-VOTE (8683)
elections@kingcounty.gov
kingcounty.gov/elections

Baraheena Bulshada
[@kcelections](https://www.kingcounty.gov/elections)



Soo Jeedinta Lr. 1

Beddelaadda Canshuurta ee Barnaamijyada Waxbarashada iyo Hawlgallada

Guddiga Agaasimeyaasha ee Degmada Dugsiga Mercer Island Lr. 400 ayaa meel mariyay Qaraarka Lr. 747, ee khuseeya maalgelinta waxbarashada. Soo jeedintaan waxay Degmada u oggolaanaysaa inay soo rogto canshuuraha dheeraadka ah ee soo socda, si ay u beddesho canshuur wakhtigeedu dhammaanayso, ee dhammaan hantida la canshuuri karo ee gudaha Degmada, si loo taageero barnaamijyada waxbarashada iyo hawlgallada Degmada ee uusan maalgelin ama si buuxda uusan u maalgelin Gobolka:

Sannadka Ururinta	Heerka Canshuurta ee La Qiyaasay/\$1,000Qiiimaha la qiimeeyay	Caddadka Canshuurta
2027	\$0.72	\$16,000,000
2028	\$0.75	\$17,000,000
2029	\$0.77	\$18,000,000
2030	\$0.80	\$19,000,000

dhammaan sida ku cad Qaraarka Lr. 747. Ma tahay in soo jeedintaan la ansixiyo?

Haa
Maya

Qoraalka buuxa ee cabbirkan ayaa laga heli karaa Xafiiska Doorashooyinka ama oonleenka barta kingcounty.gov/elections.



Waxaad u codeynaysaa **Haa ama Maya** ee ansixinta Soo Jeedinta Lr. 1

Shuruudaha ansixinta: Aqlabiyad fudud (Dastuurka Washington, qodobka VII, qaybta 2(a))

Bayaanka Sharaxaadda

Ansixinta Soo Jeedinta Lr. 1 waxay Degmada Dugsiga Mercer Island u oggolaanaysaa inay beddesho canshuurta hadda jirta ee barnaamijyada waxbarashada iyo hawlgallada ee wakhtigeedu dhammaanayso dhammaadka sannadka kalandarka ee 2026. Sida waafaqsan canshuurta hadda jirta, canshuurta beddelka ah waxaa loo isticmaali doonaa in lagu bixiyo kharashaadka barnaamijyada waxbarashada iyo hawlgallada oo uusan maalgelin ama si buuxda uusan u maalgelin Gobolka Washington, oo ay ku jiraan daldaloollada maalgelinta ee uu sababay nidaamka maalgelinta waxbarashada gaarka ah ee Gobolka. Kharashaadkan waxaa ka mid ah, laakiin aan ku xaddidnayn, ammaanka iyo amniga, agabyada waxbarashada, bandhigga fanka oo la ballaariyay oo ay ku jiraan kooxda muusigga iyo orkestarada ee dugsiga hoose, kordhinta shaqaalaha kalkaalisada, maalin toddoba xiisadood ah ee MIHS, waxqabadyada iyo ciyaaraha ee IMS iyo MIHS, shaqaaleysiinta la xoojiyay si loo dhimmo tirada fasalka ama loo kordhiyo taageerada (mushaharka iyo faa'iidooyinka), gaadiidka, kaabayaasha teknolajiyada, dayactirka xarumaha, iyo kharashyada aan ahayn kuwa hantida waaweyn ee hawlgalka degmada. Macluumaadka ayaa laga heli karaa bogga internetka ee Degmada barta www.mercerislandschools.org.

Canshuurta beddelaadda ah ee lasoo jeediyay ee barnaamijyada waxbarashada iyo hawlgallada waxay oggolaan doontaa ururinta canshuuraha si loo bixiyo ilaa iyo \$16,000,000 sannadka 2027, \$17,000,000 sannadka 2028, \$18,000,000 sannadka 2029, iyo \$19,000,000 sannadka 2030. Heerka canshuurta ee halkii \$1,000 ee qiimeeyay ee loo baahan yahay inuu soo saaro caddadyadaan canshuurta ayaa lagu qiyaasay inay tahay \$0.72 sannadka 2027, \$0.75 sannadka 2028, \$0.77 sannadka 2029, iyo \$0.80 sannadka 2030. Heerarka saxda ah ee canshuurta iyo caddadka la ururin doono waxaa laga yaabaa in la hagaajiyo iyadoo lagu salaynayo qiimaha la qiimeeyay ee dhabta ah ee hantida gudaha Degmada iyo xaddidaadyada uu soo rogay sharciga Gobolka wakhtiga lasoo rogayo canshuurta. Ka dhaaftaanka canshuuraha ayaa laga yaabaa in la heli karo, wac Waaxda Qiimeynta Degmada King, 206-296-3920.

Wixii su'aalo ah ee aad ka qabto cabbirkan, la xiriir:

Dr. Fred Rundle
Kormeeraha Guud
(206) 236-3300
fred.rundle@mercerislandschools.org

Bayaanka lagu taageerayo

Leslie Ferrell, Isabel Freitas Peres, Ricca Poll
www.yesmischools.org

Shacabka degan Mercer Islander waxay leeyihiin taariikh dheer oo taageeridda ardaydeenna iyo dugsiyada xooggan. Canshuurtaan dib-u-cusbooneysiinta waxa ay maalgelisa waxbarashada muhiimka ah ee ardayda ee aan lagu maalgelin "waxbarashada aasaasiga ah" ee gobolka. Canshuurtaan dib-u-cusbooneysiinta, oo beddelaysa canshuurta hadda jirta oo wakhtigeedu dhammaanayso 2026, ayaa socon doonta laga bilaabo 2027-2030. Dhammaan Maalgelinta laga ururiyay Mercer Island waxay ku sii jiraan Mercer Island. Canshuurtaan waxay maalgelisa 16% miisaaniyadda MISD. Waxay Maalgelisa macallimiinta ku haya fasallada dugsiga hoose kuwo yaryar iyo dhammaan macallimiinta dheeraadka ah ee fasalka oo taageera waxbarashada, oo ay ku jiraan Waxbarashada Gaarka ah. Cabbirkan wuxuu maalgeliyaa maadooyinka ikhtiyaariga ah sida barnaamijyada sayniska iyo xisaabta ee horumarsan, robotikiska, raadiyaha, riwaayadda, muusigga, farshaxanka, ganacsiga, ciyaaraha, iyo shaqaalaha muhiimka ah sida kalkaaliyayaasha caafimaadka, la-taliyayaasha waxbarashada, sarkaalka kheyraadka dugsiga, iyo waxyaabo kale. Haddii aan la bixin canshuurtaan, xiisadaha MIHS ayaa laga yarayn doonaa 7 oo loo yarayn doonaa 6, taasoo yaraysa fursadaha diyaarinta kulliyadda. Gobolku wuxuu xaddidaa caddadka degmooyinku ururin karaan. Gobolku wuxuu kordhiyay xadka ee ardaygii, laakiin lacag lama ururin karo ilaa laga helo ansixinta codbixiyayaasha. Laga bilaabo 2027, canshuurtaan dib-u-cusbooneysiinta waxay kordhin doontaa canshuuraha \$27.50 bishii guri qiimihiisu yahay celcelis ahaan \$2.2M. Tani waa habka maxalliga ah oo aan si toos ah ugu maalgelino waxbarashada dadweynaha ardaydeenna, iyo dugsiyada xooggan waxay taageeraan bulshadeenna oo dhan. Waxaa taageeray dhammaan PTAs iyo agaasimeyaasha guddiga dugsiyada. Ku Codee *Haa!* www.yesmischools.org

Bayaanka looga soo horjeedo

Ma jiro wax bayaan ah oo ka soo horjeeda cabbirkan. Ma jiro qof ka tirsan gudaha maamulka oo la soo xiriiray Doorashooyinka Degmada King si uu uga mid noqdo guddiga qoraaya bayaanka ka soo horjeeda cabbirka sharciga.

Maamulada cabbirrada ku soo bandhigga warqadda codbixinta waxay sidoo kale magacaabaan xubno ka tirsan dadweynaha si ay uga mid noqdaan guddiyada "taageeridda" iyo "ka soo horjeedidda". Guddiyadan waxay diyaariyaan bayaanno taageeraya ama ka soo horjeeda cabbirka sharciga ee warqadda codbixinta. Bayaannadan waxaa lagu daabacaa buug-yaraha codbixiyayaasha deegaanka si ay uga caawiyaan codbixiyayaasha inay go'aanno xog-ogaal ah gaaraan.

Haddii maamulka uusan awoodin inuu magacaabo guddi, Doorashooyinka Degmada King waxay magacaabi karaan mid walba oo ka mid ah xubnaha guddiga ee u qalma ee hore isa soo taaga. Si aad mustaqbalka ugu biirto guddi, fadlan la xiriir maamulka.